

աւանդութիւններ, թէ նրանք առաջ էին եկել իր անձը աստծուն նոյնպէս մարդու ստեպ ծնրադրութիւնից: Այնտեղ ճրագ չկար, բայց մի անկիւնում վառում էին մի քանի կտոր փայտեր, ոչ թէ տաքացնելու համար, այլ լոյսի համար:

Մի կողմում խորին քնի մեջ պառկած էր պառաւ կախարդը: «ճգնաւորն» արթուն էր. նա իր փառահեղ մօրուքով նստած, մտածում էր: Նրա ծնկների վրայ գլուխը դրած, ննջել էր փոքրիկ Յիւրբին: – Յրաշալի՛ մի տեսարան էր այդ:

Երբ մենք ներս մտանք, «ճգնաւորը» խիստ զգուշութեամբ փոքրիկ վիուկի գլուխը դրեց իր վերարկոյի վրայ, որ նրա անուշ քունը չխանգարէ, եւ վեր կացաւ: Նա գրկեց առաջ ինձ եւ համբուրեց, յետոյ գրկեց եւ Մարօն: Մարօն չընդդիմացաւ նրան, որովհետեւ եւ մի աղջիկ չէր կարող մերժել այն անմեղ շրթունքը, որ այնպէս եղբայրաբար մերձեցան սիրելի օրիորդի շրթունքին:

Այնուհետեւ «ճգնաւորը» ոտքից մինչեւ գլուխ գննելով ծպտեալ եւ զիւնորոած Մարօն, ասաց.

– Ահա այդպէս լաւ է. այդ սիրում եմ ես:

Մենք նստեցինք:

– Այժմ ես կը խլեմ իմ դիմակը, – ասաց նա, – բարեկամներիս մօտ պէտք չէ ինձ թաքնած մնալ:

Նա առեց իր կեղծամը, մօրուքը եւ մեր առջեւ ներկայացաւ Ասլանը իր բնական կերպարանքով:

Ես մի քանի խօսքերով յայտնեցի մեր գալու նպատակը. այնուհետեւ պատմեցի այն բոլորը, ինչ որ լսել էի Սօնայից «Կաթնաղբիւր» ձորում, այլեւ հաղորդեցի նրան՝ ինչ որ ասել էին ինձ քեռի Պետրոսը եւ տերտերն իրանց վրանում: Այնուհետեւ ակելացրի, թէ որպիսի դաւադրութիւն է պատրաստում ծերունի որսորդի եւ նրա բարեկամների դէմ: Իսկ Մարօն իր կողմից յայտնեց իր արած կարգադրութիւնները, թէ Մըհէի ձեռքով նա արդէն բոլորը իմացում տոած է իր հօրը:

– Շնորհակալ եմ ձեր հոգածութեան մասին, – ասաց նա տխուր կերպով: – Բայց այդ բոլորը ես արդէն գիտեի: Իմ արեղայական կերպարանքը առիթ տոեց ինձ մտնել դաւադիրների ժողովների մեջ որպէս խորհրդակից: Բայց նրանց ճիգը անգօր է...

Որպէս երեւում էր, Ասլանը շատ տխուր էր, եւ մեր այցելութիւնն այնքան հաճելի չէր նրան: Գուցէ նա չէր ցանկանում, որ իր կերպարանափոխու-